

বঙ্গবন্ধু পরিবার একটি ক্রীড়াপ্রেমি পরিবার-নৌপরিবহন প্রতিমন্ত্রী

ঢাকা, ১৯ সেপ্টেম্বর ২০২২

নৌপরিবহন প্রতিমন্ত্রী খালিদ মাহমুদ চৌধুরী এমপি বলেছেন, শিক্ষা প্রতিষ্ঠান থেকে এক্সট্রা কারিকুলাম হারিয়ে গেছে। বঙ্গবন্ধুকে হত্যার পর সমাজকে কল্যাণিত ও বিকৃত করা হয়েছে। মেধাবী ছাত্রদের কল্যাণিত করা হয়েছে। সুস্থ ধারায় ফিরিয়ে আনতে কষ্ট হচ্ছে। শিক্ষা প্রতিষ্ঠানে এখন অস্ত্রের বানবানানি নাই। গুলির শব্দে কারো ঘুম ভাঙেনা। আগের চেয়ে সরকারি-বেসরকারি পর্যায়ে অনেক বিশ্ববিদ্যালয় হয়েছে। শিক্ষা ব্যবস্থা দোড়গোড়ায় চলে গেছে।

প্রতিমন্ত্রী আজ ঢাকা বিশ্ববিদ্যালয়ের কবি জসীম উদ্দীন হল মাঠে হল শাখা ছাত্রলীগ আয়োজিত 'জয় বাংলা' ফুটবল টুর্নামেন্ট - ২০২২ এর গ্র্যান্ড ফাইনাল ও পুরস্কার বিতরণী অনুষ্ঠানে প্রধান অতিথির বক্তৃতায় এসব কথা বলেন।


ঢাকা বিশ্ববিদ্যালয়ের উপাচার্য অধ্যাপক ড. মো. আখতারুজ্জামান কিছুসময় ফাইনাল খেলা উপভোগ করেন।

প্রতিমন্ত্রী বলেন, বঙ্গবন্ধু শুধু একজন রাজনীতিবিদ নন; তিনি একজন ক্রীড়াবিদও ছিলেন। তাঁর পরিবারের সদস্যরাও ক্রীড়া, সংস্কৃতি ও সাহিত্য চর্চার সাথে জড়িত। বঙ্গবন্ধু পরিবার একটি ক্রীড়াপ্রেমি পরিবার। পৃথিবীতে এমন কোন রাজনৈতিক পরিবার নেই; যারা বঙ্গবন্ধু পরিবারের মতো ক্রীড়াঙ্গনের সাথে জড়িত। বঙ্গবন্ধুর পরিবার ক্রীড়াঙ্গনে ভূমিকা রাখছে। বিশ্ব ক্রিকেটে বাংলাদেশ খেলেছে। বঙ্গবন্ধুর সুযোগ্য কন্যা প্রধানমন্ত্রী শেখ হাসিনার নেতৃত্বে বাংলাদেশ ক্রিকেটে 'ওয়ান ডে স্ট্যাটাস' পায়। ধীরে ধীরে 'টেস্ট স্ট্যাটাস' পায়। প্রধানমন্ত্রী শারীরিক প্রতিবন্ধীদেরও খেলাধূলার ক্ষেত্রে দৃষ্টি দেন। 'জয় বাংলা' টুর্নামেন্ট সারাদেশে

ছড়িয়ে দিতে প্রতিমন্ত্রী ছাত্রলীগের কেন্দ্রীয় নেতাদের প্রতি আহবান জানান।

কবি জসীম উদ্দীন হল শাখা ছাত্রলীগের সভাপতি মো: সুমন খলিফা (ওয়ালিউল সুমন) এর সভাপতিত্বে এবং সাধারণ সম্পাদক লুৎফর রহমানের সঞ্চালনায় অনুষ্ঠানে অন্যান্যের মধ্যে বক্তব্য রাখেন নোয়াখালী বিজ্ঞান ও প্রযুক্তি বিশ্ববিদ্যালয়ের সাবেক উপাচার্য অধ্যাপক ড. মো: অহিনুজ্জান, কবি জসীম উদ্দীন হলের প্রাধ্যক্ষ অধ্যাপক ড. মুহাম্মদ আব্দুর রশীদ এবং ষ্টেচাসেবক লীগের যুগ্ম সাধারণ সম্পাদক এ কে এম আজিম।

প্রতিমন্ত্রী পরে বিজয়ীদের মাঝে পুরস্কার বিতরণ করেন।


মো. জাহাঙ্গীর আলম খান
সিনিয়র তথ্য অফিসার
নৌপরিবহন মন্ত্রণালয়
০১৭১১-৮২৫৩৬৪